

西  
莊  
始  
存  
稿

西莊始存稿卷十六

古今詩書局集

早入平定西域方略館即事恭述二首

韞霜右掖戴星趨簪筆榮參一得愚晨入宵歸資

檢閱年經月緯凜編摹屋分禁地承

天澤凡書局皆設紫禁城外惟方略館在武英殿後即內廷諸臣退直憩息處語譯同

文識

睿謨清字上諭俱由繙譯處送館捧讀之下仰見我皇上燭照如神萬里皆在几席濫

竊餐錢殊自愧微忱螻蟻効區區纂修官皆優其廩給臣受恩

深厚圖報無由不

西莊始存稿

卷十六

一

檔冊如山字若毛  
焚膏校錄敢辭勞  
輅材縱乏班張妙  
紀述應追謨典高  
宇內奇功千古獨  
局中全勢

一人操汗青指日垂金匱  
葵藿傾陽慶所遭

庚辰除夕荅企晉

一年將盡夜千里故人書  
七十二峰雪東風放艇初

觀優人演朱翁子事

印綬區區駭婦人  
讀書償卻半生勤  
一官竟爲恩讐誤  
悔不山中老負薪

三月杪至良鄉縣長楊村宿

又見單車出國門殘春風物得深論  
花甘退色全輸綠雁畏遲歸急度村  
斜日閃金煙樹暝上河漲水石橋  
渾垂楊茅店聊欹枕夢向西莊放釣  
輪

題唐八繡遺像

枯木未逢春貧女終不嫁冰霜故相欺  
膏沐向誰借偶于窮餓中歌吟出嗥  
嗷秃筆雖成冢敝衣纔掩胯萬言一  
杯水賣賦乏高價時遭路鬼笑苦受  
醉尉罵唐衢本善哭之子殆其亞長  
安一邂逅頗肯過我舍爲言作客久  
騎驢覓杯炙絕瘴飽所經

險灘吁可怕異域浪奔馳低顏自悲吒無家遂無  
歸十試還十罷何時具饘粥努力親犁耙微志竟  
莫償奄然隨物化可憐遺挂在位置雜亭榭抱膝  
獨聽泉蕭灑風葉下生前那有此尺紙聊染研空  
餘鮑家詩唱出秋墳罅

獨遊北郭遂至諸寺四首

泰折壇前滿井東川原高下梵王宮麥黃堪熟鳴  
鳩裏消受涼陰馬上風

幾曲莓牆絡碧虛榜門尋遍畏吾書行穿勸菜澆  
瓜路便似經上歷壑餘

竹杖田衣自在身，層臺眺遠髻嶙峋。  
一回相見一回好，只有青山似故人。  
曼陀花片落諸天，如蓋松陰午正圓。  
出郭偷閑小三昧，只愁話墮不參禪。

寄題西莊

栽花種竹足清娛，一片莊窠待掃除。  
逸野舊堂思祖德，安亭新額關吾廬。  
通經雅慕鄉名鄭，習靜何妨谷號愚。  
卻愧酬知無尺寸，微生敢便乞江湖。

題徐叟松江獨釣圖二首

曲鉤得魚多，直鉤得魚少。  
適興非羨魚，肯學曲鉤。

巧坐到石磯溫所獲纔稍稍從來信天翁漫畫亦  
同飽無意取封侯垂綸以終老  
小魚在池沼大魚在江湖衆人貪目前一竿守沮  
洳君釣獨遠去浩渺凌空虛長鯨或堪鱸巨鼇亦  
可圖不見任公子投餌東海隅

題顧吏部北墅草堂圖

射雉臯邊富煙水懸雷山前足魚稻吾友家居落  
此間比似辟疆園更好茅堂向背無面勢穿徑大  
都因翠篠把卷時看不律操醉眠豈惜接籬倒日  
長山靜斷剝啄江天寂歷親魚鳥羃羃平畦罨局

排隱隱重湖玳環抱綠簪樹頂數帆來花落籬根  
一僮掃君家文采舊清門弟兄並起工詞藻專城  
千騎得分符倬直頻年煩削稿閑將舊宅付臥遊  
丹青傳寫窮深窈回立枉渚自深深錦石明沙殊  
了了從來達人出處齊虛舟不繫超塵表太平欲  
隱本無名有才自合青雲矯我聞歐公在政府每  
念穎陰思投老又聞堯夫乘小車遊遍洛陽好亭  
沼兩公顯晦雖不同並生盛際攄襟抱我儕較古  
更多幸身健心閑飯喫飽世出世法且微參才不  
才間何用巧最宜展卷當歸田休因看畫被畫惱



他年扁舟計終就定來訪汝淮南道修楔何妨續  
故事桃蹊竹塢春光早寫作江村第二圖添我酒  
徒坐洲島

十月五日宿順義縣板橋村

去年扈

蹕此停轅今歲迎

鑾又宿村臥聽戀槽駑馬鬬食防衛肉老烏喧潦  
深斷岸橋無腳冬煖空田稻有孫卻愛柴扉開樹  
底撫髭叉手送餘暉

仲冬自宣武門移寓寒葭潭

九載京華宅六移浮蹤只自累妻兒漫勞烏鵲飛  
三匝深愧鷦鷯寄一枝曲巷有風鐘遞處空潭無  
水月生時卻嗤旁舍歆顏甚獨木區區可得支  
聖母皇太后七十萬壽恭頌一百二十韻

令序占先甲熙辰履一陽深仁應錫福厚德自凝  
祥已卜音調羽初聽律中黃芸生駢似筆荔挺茁  
如銍南極多佳氣西池晉

壽觴千官齊鞠脍萬國走梯航繁祉高喬嶽鴻禧  
沛渤滄兼全名位祿直匹阜陵岡自昔邦基鞏多  
因壺範良敏歆曾育稷濟哲誕徵商淑問莘任裕

徽音摯如彰瑞呈雲入戶夢紀燕巢筐明德賢聲  
著宣仁內治襄濯龍徽弗替長樂嫩相望彤管由  
來擅青編舊事詳恭逢時益泰快睹慶流長

體合坤元正

躬符地道光安貞全協吉至靜永含章雅化端官  
掖隆儀式瓚璋蘋蘩調翠釜種稊配黃梁允矣  
身爲度猗與

言作坊絃紼成法服綈練

御芳纓闕館時分蘭清壇每擷桑葦衣承闕鞠縹  
珥戛珩璜謀祀親弓韞蠶祈滌裸將典文稽美善

軌物稱焜煌不數賢興夏寧論瑞肇唐

堯門標翼翼軒渚兆洋洋載德真兼備鍾英正  
未央流虹垂遠耀繞電見森芒椒氣溫溫潤蘭猗  
藹藹芳太和斯獨聚景運廼彌昌九五乘三統  
慈寧蔭八荒雞鳴開曉曙

鳳輦備趨蹌視膳調甘旨扶輿問燠涼

大安勤定省

至教奉齋莊惕若維繩武欽哉實肯堂郊邱嚴鬱  
醴泰折潔臙腳

祖德昭于上天心鑒在旁邦思民作本慮軫視如

傷減賦連頻歲寬徭屢十行金錢頒太府玉粒出  
神倉遐徼拯災沴偏隅抹螟蝗自然蘇蔀屋詎止  
起羸疋吏道澄冰鏡戎兵詰斧斨農皆安紺耜士  
盡迪膠庠閭澤深淪浹醲膏足霈霽總由

慈範裕用啓

帝圖臧

懿訓時諮稟

淵衷藉闡揚春暉嘘紫禁愛日麗銀潢往者遵時  
邁于焉爲省方杏花微雨過布穀勸耕忙迤邐雞  
翹動從容雉扇張星旒臨沛上辰罕涖江鄉雁戶

皆溫續虹隄有石塘

睿謨過瓠子勝算邁宣房  
桃柳春如海雲嵐蘇與  
杭吳山濃入畫浙水曲于湘  
里媼羣迎迓村娃競  
頡頏

萱幃蒙怙冒芹獻各傍徨  
望幸欣編戶承歡仰  
聖皇鎬那居宴宴洛矣水泱泱  
乍遣留糧漕都看  
豫蓋藏于于咸額手戢戢共擎香  
况有秋獮典須  
嫻近塞防雲輶仍泣止家法誠  
愆忘豐沛懷

先澤函岐念保鄣醫閭何業業  
鴨綠正湯湯二室  
天中矗三花古樹敷泉林遙澹沲  
岱嶽迥蒼茫處

處

恩涵煦年年

德藏汪豫遊恒展義繼序賴交獲廟輅中盤駐和  
鸞南苑翔潔齋緣久潦步禱爲時暘朔代開臺磴  
清涼壓濁漳文殊示像地紫府散花塲參得三乘  
法功宜七寶裝蕃祺躋耆耄純嘏謝祈禳盼嚮通  
呼吸沖虛默佑相日之升不已

仁者壽其常曩日週花甲寰中共拜颺祝釐儀煜  
燭歸善頌琳瑯特放園扉赦胥蠲則壤糧拔茅期  
一一脫穎氣昂昂

慶節今逢又鴻圖此適當金川先式叙厄魯繼來  
王聿定花門部旋擒葉爾羌長纓降猃狁巨斧折  
螳螂穴豈容遊蟻藩堪喻觸羊奇勲收尉候駿烈  
懋巖廊瀚海遙傳箭天山早服忙于闐歸版籍勃  
律敢披猖禹甸逾增廓箕疇倍浩穰萬年開籥始  
七曜紀金瓊合璧呈連璐聯珠象截肪推來渾天  
法奏自挈壺郎  
尊養膺無極延洪得未嘗

溫綸宣詆蕩

渙號賁鸞凰虎榜蒐賢俊雞竿下闔閭花村無犬



吠雲路有駒驤讀

詔爭扶杖推

恩到異糧臚懽仁普扇錫類願俱償四照花盈座  
長春樹繞牆永綏婉文母思媚紹周姜

寶號崇恭懿修齡奉悅康龍函蟠秘篆金冊壓練  
緇鶴算添籌溢嵩呼雅步鏘香山圖耄士洛社盛  
冠裳朱戟撐千疊珍臺構一桁切雲浮傑閣夾道  
跨飛梁翠桷扶鰲極華棖綴壁璫番番排綺繡隊  
隊奏笙簧廣樂陳千品琅璈殷八廟衢謠遍臣庶  
華祝集嬪嬙白醞三光酒青餘九節菖傾葵瞻寶

婆舞綵進雲漿氣叶散灰琯寒消兔杵霜定知仙  
不老共仰佛無量小草叨霑潤微禽學弄吭九如  
思獻頌拜手祝無疆

冬夜讀梅聖俞詩

冬夜寒且長掩戶學蟲蟄殘燈抱孤影伴我賴此  
集滑口讀不下滑眼看入高峭帶平淡瘦硬兼  
酸澀惟恐語見好况乃屑組緝時時出雋永意及  
語不及幽蘭擢空巖秋曉風露裛諫果乍棘口徐  
咀出甘汁亦復能使才生駒不受繫崩雲蕩層波  
偃蹇老蛟立前躡郊島步後顧黃陳揖摧頽都官

郎著緋將五十而我亦何爲塵中自於邑雙羊石  
路晴春穀谿流急南望欲往從休負頭上笠

戊辰公車爲文社今官京師者六人壬午  
新正十八日同集子葭潭新寓得交字

移家乍定啓書巢賸喜開門得友敲掃雪泥纔融  
巷曲收燈月欲轉堂坳談深促坐多鄉語味薄春  
醪似淡交倒卻玉山休便去鄰菴鐘響出松梢

有萬  
佛菴

二月九日集北墅齋觀天池生畫卷再用

前韻

終年故紙作蟬巢  
念舊還欣馬策敲  
誼重相於鍼引石  
心虛不繫芥浮坳  
六人接迹通朝籍  
一紀餘年論素交  
醉眼麻茶重讀畫  
狂來欲折蔗竿梢

十二日集礪泉齋三用前韻

計吏偕來別故巢  
城南險韻鬪鏗敲  
流年不覺輪逾坂  
閱世渾忘地有坳  
春淺玉河纔脉脉  
寒深鶯羽未交交  
提壺更約豐臺去  
須待東風放柳梢

廿三日集西巖齋四用前韻

僦宅何妨比曉巢  
相過投轄鉢同敲  
胸懷夷白無柴棘  
筆墨鋒稜有突坳  
茶泛乳花來杜苑  
香縈篆

縷自南交樽前此會長安少卻愧巴人和玉梢

廿六日集省若齋五用前韻

清才阿閣定應巢簿領偏勞錄撈敲旅迹畏吾吟  
侶屐舊家餘不小溪坳好文君過徐無黨采藥我  
思王可交酒半忽興當食歎江南春信入梅梢

三月二日集梧岡齋六用前韻

好奇真似老居巢客到空齋喚鐵敲且食蛤蜊眠  
甕底漫嗤蝨蝨上牆坳杯深不怕郊申犯春冷翻  
如三九交聞說小冠同子夏但愁跛鼈逐蒲梢

梧岡

與子  
同字

清明日同陳太暉張慕青韓伯慧張商言  
畢澗飛家叔華遊陶然亭

稍溝苦厭地多窪步屨城南正復佳行傍一槭劒  
邊路望窮五日月生沙風鳶曳線童逃學社飯澆  
墳客念家最是茅亭堪坐夏打量攜鼎試煎茶

題曹檀濬江村觀稼圖

先生與我家同里同業筆耕食破硯我家嚴君性  
蕭淡暱就先生最相善祭酒布衣老諸生無田累  
世甘貧賤兩翁顏鬢各皤皤黯黹青衫尚如靛省  
門矮屋冷秋燈大小身經數十戰三寸毛錐不得

力故紙堆中且勤佃閑時共話爲農樂春雨扶犁  
真可羨欲拋書冊事耰耰租取吳牛駕靽鞵世事  
從來有屈伸兩家生兒突而弁幸遭

聖世命不薄致身館閣相後先力田究竟得逢年  
善人昌後如操券我昔請急趨庭闈跪奉

賜金起調膳鄉里兒童爭歎嗟識字耕夫今擁傳  
開筵舞綵祝

君恩卅載辛勤始授粲來殷之才我所畏藝圃書  
田夙旣灌聲名官職兩入手領得告身光有爛先  
生開顏定一笑老來筋力添強健卻寫江村觀稼

圖鄉園風物圖中見僧衣漠漠遙分畦罨局方方  
低築堰新秧出水剛如針嫩綠瓜瓢色一片老農  
赤腳唱田歌十十五五互相喚插秧根貴插堅牢  
插得根牢後無患秧科分得行要疎行愈稀疎實  
愈綻農談瑣碎有至理先生行田遠臨汧開捉蒲  
葵自障日披襟恰受薰風扇生涯漫言托九農頭  
銜已自高三院回思舊日求田心情事雖同俄異  
撰獨慙我本無一長有腹徒能飽喫飯倉中雀鼠  
體自肥棧下駑駘豆長戀家請官供無以報空憶  
吳杭香可爨先生樹德方若滋藝蕙百晦蘭九畹



從今所獲當屢豐作歌聊爲情農勸

題張龍崖青山紅樹讀書莊圖四首

面湖背嶽匯清湘瀟碧昭潭水一方青女預愁詩  
境淡安排萬樹染新霜

楚竹煙深見栲山一重一掩出崇灣坐移九面湘

帆影長日林梢但閉關

栲山崇灣莊側小地名

七莊十里讀書聲分占清門好弟兄冷笑兩頭居

二陸雲間輕換洛中名

君兄弟七人各一莊在十里內

小小西莊接遠蕪苦無翠嶂與楓株他時終擬吞  
雲夢訪舊兼來弔左徒

獨立圖爲陳醫叟括堂題

人人有寫真，正壑必相襲。布景旣雷同，詩亦牙慧拾。  
看君用意殊軒然，乃獨立海濶復天空。離羣脫羈馬，  
長吟惟拄頰。并棄瓢與笠，真堪撒手行兩腋。風習習，  
平生客諸侯，傲睨但長揖。千金肘後方，抄貯在行笈。  
爲我療婦病，晨藥暮起汲。無物足相貽，姓名見我集。

白堦歌

阜成門下見堦影，一里以外高亭亭。妙應寺中觀  
壘身，九層八角纔分明。如幢如蓋如卓筆，如盤如

掌如抽莖鬼工琢出白石斫琉璃映澈疑瑤瑛金  
蓮寶座欄楯合珠網華鬢交迴縈流傳乃自壽昌  
造兌位作鎮撐空青相輪銅綠古色爛劫火不壞  
餘千齡我聞彼法空諸蘊安用幻相煩虧成崇無  
飾有兩皆妄妙理同異聊推評入門紫鴿驚復下  
不見千指撞鐘迎玉繩鐵鳳替戾響寂寞九子搖  
風鈴京華禪窟屹相望訪碑每寄思古情伽藍恨  
少銜之記頭陀孰留簡樓銘獨愛此塢形製妙不  
厭百匝窺疎櫺試看特起旁無倚迴拔塵土標孤  
清通身潔白完本性遠去滓穢排雲扃丈夫樹立

要如此軟紅何苦勞其生徘徊欲去三歎息浮蹤  
自訝波中萍

桃源圖

洞口本無路舍舟聊問津羲黃忽在眼懷葛自成  
鄰雞犬交阡陌鬢眉雜主賓誰言秦法峻容得避  
秦人

商山圖

嵩少仇池外商顏好卜居芝英真有味橘叟得相  
如几杖坑灰後衣冠溲溺餘老翁一著錯強出定  
皇儲

鹿門圖

上冢全家去牛車緩緩行英雄甘下拜豚犬孰齊  
名水落魚梁淺碑殘峴首清孟家鄰去後誰復此  
躬耕

江蔗畦賓谷寄衡州諸碑并索題劉摯題  
名冊

江家兄弟好今拙于古巧剔崖若可老捫字若可  
抱舐墨若可飽萬里遠寄寶趙洪所未考三日讀  
不了題名凡有八萃老露芒鍛黨魁性硬倔重人  
重其碣石鼓石頭滑西谿綫路豁千年字猶活非

江劉筆沒我箋不及宋

子翠墨小箋至五代止

留待裝壁用

字字軒老鳳若崩雲垂竦與黨籍同諷且讀且傾  
甕與賢孫同痛醉語補冊空

南湖草堂圖爲袁蕙纘賦

商山芝有主武陵桃不開是山皆須買無錢空看  
山一錐不得卓有貧何處安即欲逃空虛沆瀣不  
可餐那能禁緇塵不上筍籜冠年年書驢券憔悴  
困春官臥遊寄旅懷聊向圖畫看四山環一湖草  
堂臨湖灘葉舟坐老漁吟苦忘其竿此景真大好  
入手良復難遊偕愁共出歸挾貧俱還喜子能見

西莊始存稿

卷十六

五

道身約心逾寬放懷睨千載所憂非飢寒藜藿常  
不充偏有好容顏形神超象外到處南湖觀何妨  
東華門日日輪與鞍

同錢辛楣湯文起李匯川任幼植成範彛  
過歸義寺廢址訪遼刻因懷亡友周西隱  
荒涼不似在雄燕菜圃爬搜認舊鐫堂說五間今  
盡塌并餘一眼久無泉韓陵石共蘭成語索靖碑  
留信本眠除卻素心同嗜少牙生絃絕淚潛然

西莊始存稿卷十七

古今詩 祥琴集

馬扶羲一朶牡丹圖爲蔣樹存作諸老皆  
有詩樹存孫右芬應平輩索予續題其後

二首

穠華到處委芳塵剩得危紅壓晚春  
房老風情猶未減勝他年少墜樓人

繡谷林亭傍水涯名園堪記洛陽花  
種來看到曾元世今日吳中能幾家

王石谷畫繡谷圖追和初白先生韻



靈威古洞康王谷十九名泉還二曲孤筇芒屨殊  
苦辛鑿險梯空太幽獨不如隨分占園池水熨冰  
奩竹敲玉米顛袍笏石頻拜嬾瓚梧桐手親沐逸  
人高韻不可攀肯共時人徒逐逐桃花塢近亞字  
城活碧清溪塵漲麴君家卜築始孝廉習靜耽吟  
愛逃祿題名土裏出苔碑舊號新園一翻局賢孫  
經營煩妙繪好事留題千兔禿男兒墮地落塵鞅  
得失雞蟲看除目初入津津不覺疲日久思之殊  
爛熟轂丹漫誇起汝家篋束徑須煩一幅王戎李  
核苦自鑽元載胡椒枉多畜先生一谷能自專大

隱忘年共雲木疏畦架壑已數世不改先人舊茅  
屋錦暉翠幄滿芸厨散帙魚乾幾編竹憶昔已午  
此下榻卷內諸篇我頻讀閑卻一雙漁釣手揮翰  
翻教玉堂宿從今循陔聊卻掃未遣首塗戒車輶  
先生風流今已往顧我行藏自能卜老作童蒙句  
讀師抱經底用誇折鹿

王麓臺畫蘇齋圖追和初白韻

望古遙集心茫茫愛而不見思抗行開徑初擬置  
石丈築亭更爲題墨王嚶嚶尚友論其世矯矯自  
命古之狂長洲即大莪黔徼乃雪堂願操几杖侍

其旁李定舒亶盡力攻訐恨不致之死千載以下  
有人追慕欲乞分餘光名因山水留品以書畫掩  
蕭閑識塗夷斂退避世險同心相遇有宗工爲圖  
聊以張其窮渲染出象外意匠妙環中成式掃卻  
浩與同百年髣髴存遺蹤重披絹素尚如濕卷中  
長似有此翁我昔來訪乘樵風閑繙脈望尋麴通  
襪被淹留往往至旬月一別誤觸塵網漂轉隨西  
東輕薄紛紛翻覆手笠屐誰堪耕作耦千秋神合  
蜀與吳海山兜率廳輪俱我歌能配茲圖無

鑽來不動放還鄉倒跨烏犍泖水旁唱罷月兒高  
一曲自從籬畔覓沙糖

服闋後至蘇卜居歸途口號

東風幾日阻行期歸去西風又倒吹來是逆風歸  
又逆出門總少順風時

櫪

幾樹悠揚映碧空臙脂淺暈亞枝紅撩人弄影開  
階畔隨意欹眠曲沼中灞岸折殘留翠色棟花開  
後管春風河橋江店溟濛裏慘綠低垂極望同

重九日至章練塘喜晤徐薈林約遊橫雲

不果同宿高同春宅疊次壁間家條山韻  
爲贈二首

巷飲舟嬉趁嫩晴偶逢佳士便身輕千秋可屬今  
惟汝一日相推我愧兄負郭陳平多長者監門酈  
叟豈狂生才人藏伏殊堪惜坐覺端居負

聖明

重陽風雨見初晴未試登山鞞履輕共向草堂連  
木榻定知石友勝錢兄遙嵐攬得無多子妙句搜  
來太瘦生今夕劇談豈容易酒闌重與藝松明

同同春澹澄放舟至西岑訪倪秀才賓肅

集飲浮遠樓卽席疊次前韻二首

一杖過頭赴快晴近遊何必挾輕輕澄波碧展收  
風伯遠岫雲開吐日兄落落我徒聊復爾悠悠餘  
子可憐生閑身到處添佳興遲暮無勞歎決明  
道是無晴卻有晴步頭樣得一艘輕魚賒雪白憑  
溪女酒泛鶯黃勝蠟兄樓勢浸奩帆影入塍形排  
卦稻香生榴皮水閣頻拈寫只少新圖倩叔明

顧學遜家條山並示新作因相與極論詩  
法并及西江派五疊前韻贈二子

爽似朝霞忽放晴健如八駿逐風輕異才白也真

無敵狂氣雲夫堪我兄漢上喜看襟並接豫章相  
約派求生兔魚得後筌蹄棄掃卻形模唐宋明

同高同春徐周訪陳碣菴遊明行廢寺有  
宋嘉熙二年嘉興府華亭縣明行院碑背  
刻趙崇森詩即用其韻

入門摩舊碣縣尚隸嘉興絕少鐘兼梵難尋谷與  
陵草深將沒佛殿塌欲逃僧是法本非有何須無  
盡燈

明行寺疊前韻

元和 高景光 同春

小杜吟情愛晚晴瘦藤扶去萬緣輕野塘風急

收魚婢江店人稠喚藕兄相約東吳前進士來  
參天竺古先生橋衡奉席真多幸一聽元談徹  
妙明

同高澹澄徐培基過陳時可宅看菊纔放  
數花次條山韻

幾曲東籬整復斜瓦盆淺塢暈輕霞半開細朵猶  
藏葉未透寒香已滿家望去一灣三徑繞數來十  
稜百叢了主人不肯延凡客但是詩人許看花

徐虞門給諫宣沙視牧圖歌周訪上舍屬  
賦



萬全衛當三關外改寄宣府連龍沙開平上都直  
頓路居庸相望當其乂自元歷明制幾易控馭綰  
轂窮幽遐

國家中外盡臣僕炎風朔雪如一家何況茲地即  
戶闥期門表貉遙周遮天閑龍旆放牧便黃羊斑  
鹿弛眾且徐公賢令攝牧事匹馬監閱勞鞭撻穹  
廬高下滿山谷艾蘭置帳和門呀平原脫轡見大  
漠帽裙獵獵風中斜有時射生逞身手控絃鳴鏑  
連磨麕毛仲景順煩指示一一稟命無喧譁功成  
在垌頌淵塞寢訛羣友無羊誇其耳濕濕角觝觝

九閭膺峻擢竹垞梧掖騰聲華不忘在莒屬傳寫  
鴻臚妙筆揮箋麻流傳尺牘數十載開緘悵望生  
咨嗟我昔扈

趨至塞壯木蘭荒磧連穹窿瀛源百道勢如沸興  
安高嶺綿長蛇番部萬騎稽首迎大開樓殿如正  
衙頭驚筵排詐馬列龍媒蹀躞飛玉花牛羊萬隊  
滿山谷騶駟一色疑雲霞書生到此心膽壯曼胡  
短後飛鞞鞞自從至廬遭痛割秋井弔月號寒蛙  
支牀雞骨愁欲死功名那復隨輕車重披此畫生

感槩恍睹朔塞屯驪駟鼻端生風耳出火惟中新  
婦真籠笄新城澤州諸鉅伯濃墨大字如老鴉公  
歸道山故宅在子孫黃卷仍生涯我來五茸一訪  
舊春申浦上浮輕槎寺名明行想晉蹟岡弔三女  
悲吳娃芝雲堂深古香馥烏衣子弟都能佳閑牕  
讀畫心眼豁似賦角弓樹亦嘉男兒出門輕萬里  
不爾射鴨還撈蝦雄飛雌伏本常事但取潔白無  
疵瑕後人寶此慎勿失清詞終古流紛葩

秋盡日同遊虎阜用東坡青峰寺下院韻

載酒尋山寺舟移郭外村

王廷

彎腰圍栲栳讀畫

快擘捫

鳴盛

樹色紅搖岸嵐光翠落尊

高舉桂

九十秋

序去第七沈泉奔

高景光

屐齒遲辰入鐘聲散午飧

顧鴻志

因人嗤就熱相和語留溫

張夢皆

說餅過茶肆

檐花問瓦盆

王鼎

催歸母太數看到暮鴉翻

廷魁

### 李三畏香火畫二首

吳家心字裊微薰幾縷橫斜小篆紋忽漫嵐光開  
滿噤從知落紙即煙雲

屠希李展盡從刪不灼天桃但灼山料得林巒浮  
動處依稀槩几鵲爐間

### 黃葉次岡齡韻四首

剪剪金飈乍送涼  
倡條都換道家妝  
桐疎井上寧  
重乳菊老籬邊漫染裳  
衣白山人慵掃徑  
箱空兒女卻愁霜  
蕭森不似塗嬌額  
難逐春風點壽陽

搖青刷翠盡無存  
剩得疎枝傍古垣  
酒比鶯兒聊弔影  
雨非梅子若留痕  
數株塞北多愁色  
一棹江南何處村  
金谷繁華成昨夢  
幾番搖落對空園  
麴塵回憶漾晴川  
栽竹栽桑任變遷  
喜失眉間憂暮節  
紉翻被底睡秋天  
繞隄老幹無驄繫  
厄閨孤根有蠹穿  
參透橫陳俱嚼蠟  
瞿曇冷面看流年  
幾樹扶疎覆古城  
西風殘照動砧聲  
樓頭笛怨微

微落海上雲移故故橫仙客衫輕憐景淡權郎帽  
側見秋清儘饒裁得驚溪絹一片荒寒孰寫生

再疊前韻四首

策策寒林氣倍涼鬱金堂北卸濃妝景殊陌上紅  
兼紫色借詩中裏與裳蕉映荔丹同戰雨橙隨橘  
綠共酣霜西清繖影前塵事閑數枯枝倚夕陽  
生意婆娑縱尚存可堪黯澹罩頽垣蒹葭半惹蒼  
煙色楊柳全消金縷痕朱剎暗遮迷遠嶂碧波斜  
蘸入孤村蘭成枯樹偏多思不獨江關賦小園  
榮枯約略逝前川無復攜柑聽谷遷蟬曳低叢昏

後月鴉歸疎樾霧餘天送回芳信檀痕描覓取荒  
蹊蠟屐穿倘向金城重繫馬攀條也定泣當年  
荒土喬柯問石城亭臯惟有雁飛聲拋殘柘彈千  
章瘦褪盡蜂鬢一桁橫亂襯丹楓餘冷落半欹烏  
相伴淒清機邊中婦初停織爲爾相思感易生

原作

廷魁 岡齡

風颺催送景蒼涼錦樹秋容忽改裝霽野空懷  
三徑菊雲巒新染六銖裳聲乾樹杪疑吹雨光  
暗枝頭已著霜極目郊原天地肅吟情無限倚  
斜陽

玉露秋凋幾樹存  
藤梢橘刺傍頽垣  
非關蠹蝕蕭蕭影  
似帶驚溪淡淡痕  
古幹暗遮峰頂寺  
疎林斜罨渡頭村  
金丸莫遣頻拋卻  
零落霜條剩沁園

依然衆木映晴川  
翠染亭臯轉眼遷  
詞客欲吟搖落句  
美人先歎沈寥天  
梧桐露井砧聲急  
楊柳寒隄月影穿  
瑟瑟可堪頻望遠  
送青排綠已年年

半遮水國半關城  
處處愁聽拉颯聲  
楓冷吳江銜日澹  
霜凋隴樹帶煙橫  
林蟬咽罷千山靜  
塞



雁排空萬木清惟有寒濤長謾謾參天松柏翠  
光生

題蔣紹初駐馬看雲圖即送之甘肅

秦雲遙遙滿山吐秦川曲曲秦關路急裝結束遠  
行人帽影鞭絲畫中去烏鼠峰頭落照多魚龍川  
口殘霞聚偶然水窮見雲起攬轡踟躕屢凝竚塵  
中走馬本忙人原上看雲多靜趣忙中得閑動中  
靜世人那得知其故我聞英雄志用行只患行時  
不能住儒者守道內自重或行或藏隨所遇此語  
本出楊中立同甫讀之汗如注茲圖妙解將無同

一展覺爾神充裕試觀雲氣乍有無兜羅綿現風  
中絮出山漠漠本無心歸山冉冉完其素多少紅  
塵馬上郎誰解披襟起深悟清門才子盛文藻未  
試驂騑千里步漫因訪友向臯蘭渭北江東黯雲  
樹水流不競雲俱遲尺幅煙嵐意堪寓閭門匹練  
是親聞回望白雲忍不顧出山何似入山深屈指  
歸期三月暮若問山中何所有白雲嶺上還同賦

羅漢寺追悼雪谷上人

上人善琴  
又工畫竹

寂寞琴三弄蕭森竹數竿一爲滄海別無那舊盟  
寒飛錫今誰付遺詩半已殘平生蓮社客每過涕

沈澗

太湖漁船竹枝二首

空濛萬頃曉煙輕  
石室銀房相向明  
儂船盪到湖心去  
一派衝波撒網聲

斜風細雨作生涯  
漁婦漁師共一家  
嬌小可憐十三女  
玉鱸青鯽便能叉

自題舊雨集

檢點題襟作看如  
束筍多相思時悵  
望展卷幾摩挲  
掌麗則詩人賦窮  
愁勞者歌圖成傳  
好事主客本

同科

寄朱因在

翰墨場中老斲輪  
河汾今在泖湖濱  
篋中新著人藏帳  
閑裏清遊雨墊巾  
送菜不須煩地主  
昇輿隨處有門人  
會心偶憶燈前語  
賸欲相尋仔細論

同顧星橋集盤溪弟小停雲齋遲劉西濤  
不至兼寄徐薈林

黃金可成百不憂  
霜鬢欲挽嗟無由  
但願春秋多佳日  
勝侶共賦逍遙遊  
服除尚餘風木慟  
臯魚淚點不得收  
京華路遠柅車轍  
誓墓且復依林丘  
小謝西堂多藻思  
拍肩把袂偕虎頭  
意行看竹不問

主長歌短詠聊相酬憶昔少年託廡下平江胥口  
恒淹留今來徑署寓公號賃居竊擬營菟裘官名  
自喜樂圃繼寄跡定許怡菴儔八門盤門最僻左  
雅稱簞笠來探幽高齋况仿紅欄里恰宜坐雨兼  
尋秋比來詞賦作者盛體格漸恐趨俳優春華競  
工秋實少更傳鉛粉窮雕鏤讀書自是我輩事流  
光可惜同蜉蝣肯徒酒食事徵逐要須高步追前  
修當筵意氣互期許我歌子和商聲謳忽憶劉郎  
方示疾丈室宴坐多窮愁心情縱令木石似談笑  
尚卻熊羆不城北徐公別亦久不見籬畔維輕舟

何時眼中得二士比鄰來往成風流

同作

廷魁岡齡

商聲忽動涼氣多  
惺惺拉沓摧庭柯  
鍵關鎮日踞壁臥  
瑟居岑寂當如何  
昨宵舊雨入夢寐  
延望咫尺疑山河  
朝來敲門適我願  
吟鞭野屐欣來過  
人生離多會合少  
良辰幾度空蹉跎  
匆匆小別等塵劫  
握手一笑蠲煩疴  
相將促席品字坐  
雅集何必陳紈羅  
山肴野蔌雜霜果  
手香新喜黃橙搓  
分曹各鬥大小戶  
松花細釀斟文螺  
不辭轟飲永今夕  
主賓相對顏微酡  
興酣起舞

鐵如意當筵脫帽同高歌我儕幸際盛明世鸞  
鳴鳳噦聲相和玉堂老仙文章伯詞源倒瀉傾  
盤渦 殿前作賦推第一珪璋聲價崇 鑾坡  
輶軒試士泣閩越桃花灑筆供摩挲歸來暫爲  
六月息堂開畫錦誇鳴珂鷗情鶴性故常在欲  
超塵事捫松蘿吳閶山水舊遊地夙昔愛玩徒  
吟哦今秋乘興卜煙舍竟移家具來輕艤亭標  
孟浩宅庾信詞人自古營行窩伊余刺促困輶  
下星星宣髮驚蒼皤蓬萊道山非所望閑身依  
舊栖雞窠茫茫往事盡泡幻回思邈若春夢婆

西沿塘邊花步里往來晨夕枯筇拖有時憑襟  
依水榭否則挈榼尋山阿只今彈指歷廿載歲  
月拋擲龍騰梭車笠之盟猶在耳相思涕淚空  
滂沱何期天上玉皇吏暫穿芒屨遺朝韓江鄉  
風景真大好雞豚舊社同婆娑菰蘆況有俊侶  
在文心義海羣磨礚虎頭瀟灑任癡絕劉郎病  
渴多愁魔寄聲孺子懸榻待休耽柳澥披漁蓑

迎 駕至揚州寓僧舍汪碧谿招同蔣春

農吳杉亭出徐寧門遊喬氏東園探梅園  
已半廢周步池館集飲花下讀壁間諸刻



時江松泉以病不至得絕句八首

一艇乘潮候 玉鑾南枝賸好得同看詩人偏喜  
荒寒景東閣嫌他尚屬官

顛當幾日閉門頻客子從來解畏人不是汪倫能  
好事誰攜畫榼出城闌

僧廬紙帳太孤清且約東郊自在行六里村邊尋  
故事嬉春也愛酒鱗生

水涸空池鷺不來百弓迤地遍生苔綠楊城郭還  
如昔怪底名園半草萊

石墨鐫華滿壞廊漫堂竹垞復漁洋重來小劫風

流盡此後應無我輩狂

玉妃頰頰信多姿春色三分護短籬拈起豫章公  
案妙園林雪後忽橫枝

好是孤山處士家蛙殘竹粉荆梅枿十年未作揚  
州夢冷落茲遊亦復佳

倒載何妨類葛疆座中敲句欠江郎維摩一室空  
多病可要天花作道場

次韻顧景嶽月滿樓

髣髴才名趙倚樓風神衛玠善言愁揮毫鴻藻如  
煙海求友虛懷似釣鉤冰簟迢迢人百尺金波穆

穆桂三秋仙居本自宜高曠未侶鴛鸞且狎鷗

贈龔欣書

大雅追還仗此翁選樓高坐擅江東湖山佳興清  
吟裏忠孝名家信史中筆落定扛烏氏鼎暗投何  
惜楚人弓橫塘相望幽蘭里恰喜浮蹤結託同

諸劬繹夫婦偕隱遺照

水邊林下一閑身饁餉相隨敬若賓菜熟深知羹  
有味屋低只愛他無塵孔明欣得阿承女翟氏能  
偕陶令貧識取遺安敦所尚不將象服換綦巾

題汪笠夫行卷

玉輅乘春爲采風嚴徐枚馬候  
帷宮江南名士  
多于鯽絕倒汪郎句法工

周生循陔屬題尊人芝田翁桐陰課子圖  
百尺清陰罨草廬牙籤雅雅復魚魚君家家學傳  
何事不是司空城旦書

書沈學子女弟子徐若冰小傳後

嫫母衣錦西施貧石上浣紗行負薪寒女機絲徒  
作苦邯鄲厠養寧良姻中郎阿大羣從盛新婦懊  
惱無參軍桑榆失身李清照柳梢寫怨朱淑真固  
知才是不祥物男子猶然況婦人徐家女子師沈

叟然脂麗句能爲鄰少年淪落寄賃廡相隨夫婿  
如浮雲緯蕭嘔麻泝泚統蓬首縞袂拖青裙餘光  
分取鑿破壁句壓威裒追昭華彼哉何人被繡翟  
畫閣傳粉名香薰飢來有字煮不得窮乃自取因  
多文生前愛梅吟樹底死時樹亦凋清芬天寒翠  
袖何處倚嶺頭玉雪招香魂我恨山妻乏好語花  
飛釧動誰同論尚愛都官宛陵句與婦對飲勝俗  
賓因悲徐媛還自幸廿載輓車仍少君

學子松陰履圖

濃花只合傍闌干巨壑長松始鬱盤不肯斲歸盆

裏種遠攜雙屐入山看

贈馬研山

歇浦扁舟悵未逢  
幽蘭巷裏愜過從  
尋山興比求官切  
訪友情如覓句濃  
漁鮑煙波連薛濺  
鷺蓑風雨冷吳淞  
祥琴鼓罷趨朝緩  
準擬相攜蹋九峰

贈徐闔伯

十年痛飲讀離騷  
何處孤寒許放豪  
好製黃河遠上曲  
不須重唱鬱輪袍

仇霞村印譜

漢印曾聞斗檢封  
後來煮石說山農  
愛君腕力能

師古鐵筆縱橫盡有鋒

西莊始存稿卷十七